



元豐類稿卷第五

古詩

送程公闢使江西

程侯昔使西山下金印出懷光滿把坐馳雷電破姦伏
力送春陽煦鰥寡袴襦優足徧里巷禾黍豐穰罄郊野
訟庭終日自虛曠德宇平生本蕭洒龍淵決水漲清沼
鳥背^嶺林林開廣廈蒼顏擁檻四山出翠色橫欄大江瀉
掌平百里露州郭髮密千甍街屋瓦雲表數曲秀蘭蕙
鳳蓋相摩擢梧榎客來尚喜并接轄主禮寧論燭飛地
三吳月出照金戟百越風來吹玉笋羽斨絕艷舞回雪
寶劔諸儒談炙輠一尊故意受天籟萬累回頭真土苴

我思飛步綴登躡又欲生綃乞圖寫身縻東觀願雖阻
日注漳門心豈捨過臨有幸破氛霧奮厲方欣入陶冶
齋航又自日遠去信節初從天上倣舊邦徃靖寄揮塵
新轂未輸付流馬遥知素譽在民口已有歡聲騰里社
却尋泉石引幽士想憶沙塵笑勞者何當一解豫章榻
強賦土風令中雅

遊金山寺作

候潮動鳴舫出浦縱方舟舉箔見茲山巋然峙中流朱
堂出烟霧縹渺若瀛洲十年入夢想一日恣尋遊展履
上層閣披襟當九峽地勢已滿洒風颺更颺颺遠挹蜀
浪來旁臨滄海浮壺觴對京口笑語落揚州久聞神龍

伏况觀鷲鳥投行緣石徑盡却倚巖房函頗諧雲林思
頓豁塵土憂昏鍾滿江路歸榜尚夷猶自湯渡子以兩小舟
夾引所乘舟故云方舟

荅葛蘊

我初未識子已知子能文春風吹我衣暮召入九閣衆
中得子辭默許非他人方將引飛黃使出萬馬群差之
在馭吏氣沮不復論大明臨萬物我亦傍車塵相逢扶
桑側一揖意自親屈子果由我相示以無言同行千步
廊攬轡金馬門歸來客舍中未及還徃頻東舟載子去
千里不遠水今者坐甌越相望若三辰忽有海上使問
我及牆藩得子百篇作讀之為欬忻大章已逸發小章

更新清遠去筆墨畦徒識斧鑿痕想當經營初落紙有
如神勉哉不自止直可闕靈均我老未厭此持誇希代
珍朝吟忘日吳暮吟忘日曛發聲欲鷹子自笑不足云

南湖行二首

二月南湖春雨多春風蕩漾吹湖波著紅少年里中出
百金市上裁輕羅插花步步行看影手中掉旗唱吳歌
放船縱櫂鼓聲促蛟龍擘水爭馳逐倏親忽遠誰可追
朝在西城暮南溪奪標得雋雅恐逢雷轟電激使人迷
紅簾彩舫觀者多美人坐上揚雙蛾新瓶取酒飲如水
盤中白筍蕪青螺生長江湖樂早暝不信中州天氣和
東南溪水來何長若耶清明宜靚粧南湖一吸三百里

古人已疑行鏡裏春風來吹不生波秀壁如奩四邊起
蒲芽行蔓自相依躑躅天挑開滿枝求群白鳥映沙去
接翼黃鸝穿樹飛我坐荒城苦卑濕春至花開曾未知
蕩槩如從武陵入千花百草使人迷山回水轉不知遠
手中紅螺豈須勸輕舟短楫此溪人相要水上亦湔裙
家住橫塘散時晚分明笑語隔溪聞

種牡丹

經冬種牡丹明年待看花春條始秀出蠹已病其芽柯
枯葉亦落重尋但空槎朱欄猶照耀所待已泥沙本不
固其根今朝謾咨嗟

西湖二月二十日

平生拙人事出走臨東藩紛此獄訟地欣乘刀筆閑漾
舟明湖上清鏡照衰顏春風隨我來掃盡冰雪頑花開
滿北渚水淥到南山魚鳥自翔泳白雲時往還吾亦樂
吾樂放懷天地間顧視彼誇者錙銖何足言

北湖

常時泛西湖已覺烟水永北隄復誰開長涵一川靜久
幽絲地偏跬步人跡屏我初得之喜指顧闢榛梗種花
延妙香種柳待清影飛梁通兩涯結宇臨四境包羅盡
高卑開拓極壬丙洒然塵滓消恍爾心目醒與物振滯
澆如人出奇穎日携二三子杖屨屢觀省念時方有為
衆智各馳騁獨此得逍遙固知拙者幸

百花隄

如玉水中沙誰為北湖路夕翳荒草根未承青霞步我
為發其枉脩營極幽趣髮直而砥平驂騑可馳騫周以
百花林繁香泫清露間以綠楊陰芳風轉朝暮飛梁憑
太虛曉榭躡煙霧直通高城顛海岱歸指顧為州之長
材幸歲足秔稌與衆飽而嬉陶然無外慕

芙蓉臺

芙蓉花開秋水冷水面無風見花影飄香上下兩嬋娟
雲在巫山月在天清瀾素礫為庭戶羽蓋霓裳不知數
臺上遊人下流水柱脚亭亭插花裏欄邊飲酒擢女歌
臺北臺南花正多莫笑來時常著屐綠柳墻連使君宅

秋懷二首

流水寒更澹，虛窓深自明。寒帷遠鍾斷，推褐晨香清。油
然素心適，緬彼外物輕。因時固有應，在理復何營。隱几
公事退，卷書坐南榮。以茲遠塵垢，何異山中情。為州詎
非忝，即事亮何成。幸茲桑麻熟，復示倉箱盈。閭里盜黨
戢，堦除器訟清。日携二三子，飽食中國行。念非形勢迫，
免有彈戈驚。幽閑固可樂，勿慕高遠名。

送李撰赴舉

湖水碧，槐花黃。山川搖落，窓戶涼。宿雲星稀，日東出。青
冥風高，雁南翔。華堂昨夜讀書客，匹馬今朝遊大梁。風
鏗拂塵見飛影，把握驚人持夜光。康衢四闕通萬里，天

駒得地方騰駿，我留東山意頗卓。屏棄外慮無毫芒，子
能相從味冲漠。捉筆勿暫遲歸裝。

送韓玉汝

春日城東送韓玉汝赴西州轉運使
增生春草園柳變鳴禽為立眼得生也

野岸漲流水，名園分雜英。旭景冠蓋集，清談樽酒傾。重
此臺省秀，駕言江海行。已喜懷抱粹，况推材實精。衆許
極高遠，時方藉經營。詎止富中廩，固將澤東氓。還當本
朝用，不待芳歲更功名。自茲始，勿嘆華髮生。

招隱寺

一徑入松下，兩峯橫馬前。攀緣綠羅磴，飛步蒼崖顛。昔
人此嘉遯，手弄朱絲絃。想當林間月，獨寫山中泉。此樂
非外得，肯受世網牽。我亦本蕭散，至此更怡然。徧憐最

幽處流水鳴濺濺

延慶寺會景純正仲希道介天明叟納涼同觀
建鄴宮中畫象翰林墨跡延慶寺者劉裕故宅
中有壽丘山

禪方壽丘山平昔宋公宅好風吹雨來暑氣一蕩滌我
與二三友歡言同几席神清軼埃壒盪趣合畫肝鬲嶺竹
翠尚新水花紅可摘以此侑樽酒墮然岸巾憤建鄴舊
丹青金鑿餘翰墨綽約桃李顏超遙龍虎跡舄矣霸王
業信哉文章伯感古已躊躇慕竒復嘆息泊無勢利心
自覺衿慮適起坐相扳牽遲留日將夕

送豐稷

雉華染破南山青漢江此時春水生客舟相語入夜起
勁艣亂江群鴈聲之君飄泊動歸思告我舉裝千里行
閱材壯思風雨發綠鬢少年冰雪清讀書一見若經誦
下筆千言能立成精微自得有天質操行秀出存鄉評
嗟從薄祿困流滯能誘鄙俗銷紛爭絃歌躬勸士強學
田里堵安人力耕嗟予據按但畫諾遇事縮手方蒙成
雖知璞玉難強獻欲挂塵榻空含情歲寒不變迺知確
物理先否終當亨維舟且盡今夕語明日帆隨白鳥輕
不飲酒

不飲酒不善辭少年醒眼看花開况從多病久衰耗自
願白髮垂毳毼縱遇花時少情思經春不曾啣酒盃布

穀但憂天雨少提壺謾聞山鳥催且坐蒲團紙窓暖兩
衙退後睡敦敦

初發襄陽携家夜登現山置酒

維舟汚南岸置酒峴山堂入坐松雨濕吹衣水風涼烟
嶺大明滅秋湍聲激揚乍釋塵垢累况餘燈光羊公昔
宴客為樂未遽央而我獨今夕携家對壺觴頗適麋鹿
性頓驚清興長歸去任醅酌詎期誇阿强

高陽池

山公昔在郡日醉高陽池歸時誇醅酌更問并州兒我
亦愛池上眼明見清漪二年始再往一杯未嘗持念豈
公事衆又非筋力衰局束避世網低回繼塵羈獨慚擴

達意竊祿誠已卑

遊鹿門不果

方舟下秋瀨已遠漢南城念昔在郡日苦為塵網嬰
心就薄祿實負山水情鹿門寂秀發十里行松檜宿幌
白雲影入恣流水聲龐公昔抱道遯世此躬耕風雨塞
天地伺晨獨先鳴故巖但聞說已覺醒朝醒及茲道途
出謂諧猿鶴迎顧值深濼阻獨憐幽思并不踏蘇嶺石
虛作襄陽行

漢廣亭

悠悠漢水長剡剡楚山密若與心目期爭從窻戶出太
守朴鄙人迂無適時術治民務不煩得意偷暇日北城

最頻高局促皆曠逸雲根辨毫芒烏背臨崖萃亦以樂
賓遊豈惟慰衰疾欲寄別後情嗟無少文筆

聞喜亭

聞喜名自昔廣亭臨漢津飛甍出萬屋地絕無纖塵盤
道城堞古遠林墟曲新靜竟耕釣勝幽宜鷗鷺馴賴此
荒僻郡幸容朴愚人閤鈴書常寂齋釀寒更醇一罇且
勤設勿負頭上巾

劉景升句

景升得二蒯坐論勝凶殘正當喪亂時能使憔悴寬續
紛多士至肅穆萬里安能收衆材助圖大信不難諸公
龍鳳姿有待久盤桓得一固足興致之豈無端迺獨采

樗櫟不知取倚擅蓋云器有極在理良足歎

隆中

志士固有待顯默非苟然孔明方微時息駕隆中田出
身感三顧魚水相後先開迹在庸蜀欲正九鼎遷垂成
中興業復漢臨秦川平生許與際獨此管樂賢人材品
目異自得豈虛傳

蔡州

蔡州昔人居遺堵不可尋青石久埋沒荒烟起空林昔
人依劉表表意氣傳至今廣路競朱轂深巖闕黃金構難
琦琮間咎責積已深終貽覆宗累苟得非所欽為惡理
當尔足懲誇者心

谷隱寺

峴南衆峯外窅然空谷深
丹樓倚碧殿夏出道安林
習池抱鄰曲虛窓漱清音
竹靜幽鳥語果熟孤猿吟
故多物外趣足慰倦客心
但恨繼塵羈無繇數追尋

萬山

萬山臨漢臯峯嶺頗秀發
王繁舊居處荒草久埋沒
解佩蓋已迷沉碑終自伐
景宜北城望正值氛藹歇
縹緲出煙雲清明動毛髮
留連至歸時長見西林月

題張伯常漢上茅屋

遠出清漢上隱然一隄長
槐柳若雲布連陰入虛堂
架險注鳴溜分畦殖群芳
豈惟富桑柘蓋亦餘困倉
主人

事幽屏不願尚書即即此徇高志
風騷恣徜徉強起迫義重還歸
直明光清風凜然在素壁盈文章
故栖勿回眇黃鵠本高翔

移守江西先寄潘延之節推

憶昔江西別子時我初折臂五斗粟
南北相望十八年俯仰飛光如轉燭
子遺萬事遂恬曠我繫一官常局促
早衰膽氣自然薄多病顛毛那更綠
人情畦畛阻肝膈世路風波悸心目
每嗟太守兩朱輪寧及田家一黃犢
幸逢懷紱入斗牛喜得披山收寶玉
薄材頑鈍待磨琢舊李搶攘期反覆
雲鴻可近眼先明野鹿尚縻頰自怛
長鬚幸未阻誨存下榻應穴石拜臨辱

漢陽泊舟

暫泊漢陽岸不登黃鶴樓江含我岷氣萬里正東流驚
風孤雁起蔽日寒雲浮祗役雖遠道放懷成薄游興隨
滄洲發事等魚樵幽烟波一罇酒盡室載扁舟

鄭口

昔與宜興
君同過此

我行去此二十年鄭水不改流潺湲風光滿眼宛如昨
故人乘鷺獨騰騫今人隨我不知昔我記昔遊何處言
淚向幽襟落如瀉况聞江漢斷腸猿

促促為物役

促促為物役區區追世情但嗟束縛急未竟章綬榮柰
此兩鬢白頭無一壘耕所求亦云幾脫粟與藜羹

鴻鴈

江南岸邊江水平水荇青青渚蒲綠鴻雁此時儔侶多
亂下沙汀恣棲宿群依青荇啜且鳴暖浴蒲根戲相逐
長無增繳意自閑不飽稻梁心亦足性殊凡鳥自知時
飛不亂行聊漸陸豈同白鷺空潔白俛啄腥汙期滿腹

喜晴

天晴萬里無纖風江平水面磨青銅光華逸發萬物上
精氣夔與扶桑通我行江漢道苦惡十步九折遺西東
况遭積雨駕高浪沙翻石走相撞舂操舟衆工立噤岸
濕櫓日鑽火磨星紅荒溪成渚尺寸礙永日四望無人蹤
一時得意數蛙龜鳴躍振踞泥塗中陰消陽勝有先兆

宇宙丹翠含冲融。今晨霾曠一掃蕩。羲和徐行驅六龍。
眼明意豁萬事快。預喜來年麩麥豐。

訓王正仲登嶽麓寺閣見寄

聞君東南使攬轡。雲松間皇華照楚甸。吉玉投衡山幽
尋得臨觀意豁窮。躋攀願我客牛斗。三年踈往還。低心
念弱志引領望。衰頰未共罇酒樂。良嗟人事艱。叱馭犯
冰雪。迴鑣馳九閔。何足慰離思。德音鏘佩環。

訪石僊巖杜法師

杜君袖斲丹砂書。一願訶斥百恠除。嚴如翻河落天衢。
四方爭迎走高車。方瞳秀貌垂白髮。買船東南尋舊居。
石巖天開立精廬。四山波瀾勢爭趨。君琴一張酒一壺。

笑談衮衮樂有餘。我今歸來尚踟躕。羨君決發真丈夫。

曉出

曉出城南羅卒乘。皂纛朱旗密相映。貔貅距躍良家子。
鵝鵠彌縫司馬令。奪標一一飛步疾。繫繫兩兩翻身勁。
霸上今朝且兒戲。衛青異日須天幸。

和貢甫送元考不至

蓬山有行客欲上北城舟。學問本閑博言談非謬悠。常
陳帝王畧得試紫雲樓。一時驚豪捷况復富春秋。朋遊
所欣附爭欲致綢繆。承明動鄉思歲久道苦脩。忽懷淄
川組夙昔願始酬。出餞集儔侶清歡期少留。酒闌竟不
至。睽睽久臨流。微我獨有咎。此詩聊可求。

京師觀音院新堂

九衢言語亂人耳三市塵沙眯人目猿狙未慣裹章綬
魚鳥寧忘慕谿谷悵無棲宿在清曠欲弄潺湲愈煩燥
道人誰氏斤佳境決漢披霄敞華屋駢羅嶷嶷三秀石
藂蓬娟娟兩脩竹雲蒸雨泄被巖壑海倒河垂動林麓
頓驚俯仰遠囂濁豈直形骸擺羈束解衣堅坐暝忘迆
飲水清談心亦足丈夫壯志須坦蕩曲士陰機謾翻覆
青鞋赤舄偶然爾安用區區巧追逐

元豐類藁卷第五

元豐類藁卷第六

律詩

郊祀慶成詩進狀

右臣伏以皇帝陛下嗣位之初郊見上帝聖意重慎齋
潔謹嚴始就惟宮則獨先群臣宵興待事及至壇場則
陟降陛級徹去相藉至於薦獻之際則又端立以頌不
肯即安退就便次所以至誠統統如此故得天地祖宗
眷顧臨饗華夷蠻貊觀聽欣喜惟初積陰久而未解及
輅車既駕則天宇湛然日光明閔可謂能得使之主祭
而百神享之福合於天且不違之聖宜有歌頌被於聲
律臣與在館閣以文字爲職不敢以菲薄自止謹作五

言郊祀慶成詩一首凡一百二十字于冒宸嚴臣無任
惶恐激切屏營之至謹隨狀上進以聞

詩

即祚謳歌後欽柴禮數新盛容超曠代樂貢盡殊隣
戒臨行殿宵興絕衆臣立須空便次步進却柔姻外物
雖多品天心在一純高靈終享德群望亦依仁暗藹如
無間遲延若可親欲知精意答預覩大和臻積曠沉遷
甸浮陽上綺園霽雲生斐亶愛景駐逡巡享慶歸清廟
餘釐及兆人還宮動前蹕喜氣入韶鈞

仁宗皇帝挽詞三首

納諫終無撻知人久更明恩波通四海壽域載群生異
俗衣裳會諸儒雅頌聲威靈空想象盛德詎能名
日轉埽人外天移入畫中冕旒餘澤在警蹕舊儀空卜
宅三州縵方喪萬里通初寒石門路松檜颺悲風
滄海難回日青雲如送春服喪三月偏過樂四夷均感
格英靈在褒揚大號新依然社稷計王業付真人

英宗皇帝挽詞二首

已應南陽氣猶遲代邸來範鎔歸獨化綱理付群材
會方無外虞巡遂不回空驚栢城伏簫鼓送餘哀
繼文猶旦暮歸啓已謳吟畫手傳英氣書筠見德音
銅餘故鼎喙草付春禽試望橋山路蕭蕭翠栢深

慈聖光獻皇太后挽詞二首

并進狀

右臣伏以大行皇太后在位四十有七年身處宮闈
明慈恕恭儉之德見於天下洽於衆論在仁宗時有輔
佐相成之道在先帝及陛下之日非特始終孝愛兩義
俱隆實有援立鎮撫之大功在先帝之世從權當國既
而還政以時明識獨見出處應理自二帝三代秦漢以
來母后功德未有巍巍如此奄盡大期群情痛悼陛下
執喪哀慕外雖易月內盡至性報復大恩誠禮備極蓋
從古所未聞今山陵有日臣愚淺薄無以自効謹撰成
大行皇太后挽詞二首繕寫上進臣無任悲哀感咽之
至謹具狀奏聞謹狀

詩

烈鷹揚終食冀家聲泉湧舊興譙人倫風化歸三世
五室功勞屬兩朝長信深嚴餘羽衛闕宮崇大列宗祧
衣冠藉藉談遺事不盡鴻名對未昭
山河德履孚潛顯江漢仁風被邇遐已輔乾坤成化育
終符日月繼光華和熹未寤還威柄明德猶踈却外家
欲次徽音難髣髴空餘流恨入衣笳

送英州蘇祕丞

遠民歌舞戴升平碧閣朱樓照眼明鄉饌雨餘收白藟
客罇秋後對紅英瀧鳴真水遙通海路入南山不隔城
材術如君有餘暇出遊應數擁雙旌

送陳郎中還京兼過九江新宅

艤舟金碧照溪沙
帆上風吹五兩斜
罷郡紫泥催向關
過江紅旆引還家
因將舊社人携酒
應喜新林樹見花
莫作山齋久留意
中臺虛位有清華

遣興

安州十首

青燈閩鼠窺寒硯
落月啼烏送迥笳
江漢置身貧作客
溪山合眼夢還家
百憂忽忽丹心破
萬事悠悠兩鬢華
誰與建帆先度鳥
更無留滯向天涯

楚澤

楚澤荒涼白霧根
盈虛無處問乾坤
虫虫旱氣連年有
寂寂遺人幾戶存
盜賊恐多從此始
經綸空建與誰論
諸公日議雲臺上
忍使憂民獨至尊

西亭

團扇頻揮到此亭
他鄉愁坐思冥冥
空羞避俗無高節
轉竟逢人惡獨醒
歲月淹留隨日老
乾坤狼狽幾時寧
欲知事事今何似
萬里波濤一點萍

盆池

環環清泚旱猶深
柄柄芙蓉近可尋
蒼壁巧藏天影入
翠奩微帶蘚痕侵
能供水石三秋興
不負江湖萬里心
照影獨憐身老去
日添華髮已盈簪

羈遊

簾飯寒糞且自如
欲將吾道付樵漁
羈遊事事情懷惡
貧病年年故舊疎
自古幸容元亮醉
凡今誰喜子雲書

何由得洗塵埃盡恣買滄洲結草廬

南軒竹

密竹娟娟數十莖旱天蕭洒有高情
風吹已送煩心醒
雨洗還供遠眼清新筍巧穿苔石去碎陰微破粉培生
應須萬物冰霜後來看琅玕色轉明

浮雲樓和趙嘏

萬里聊供遠眼開簷前不盡水聲哀
朝雲尚拂陽臺去
羽獵曾圍夢澤來解帶欲留長日坐傾壺難飲故人杯
邈窮萬里飄萍內到此登臨更幾回

照影亭

河流縈檻色輝輝無數幽禽入鏡飛
已映渚花紅四出

更添沙柳翠相圍不欺毫髮公雖有太盡妍蚩道恐非
自笑病容隨步見未衰華髮滿緇衣

晚望

蠻荆人事幾推移舊國興亡欲問誰
鄭袖風流今已盡
屈原辭賦世空悲深山大澤成千古暮雨朝雲又一時
落日西樓憑檻久閑愁唯有此心知

書閣

自憐野性生來拙誰許交情晚最親
世路因仍憂檻窄
他鄉衰暮傍風塵惟將菽藿求志未有秋毫可爲人
一畝蕭然須暫得欲偷閑日長精神

贈彈琴者

至音淡薄誰曾賞古意飄零白
可憐不似秦箏能合意
滿堂傾耳十三弦

寄孫正之

邈癯心苦氣飄飄長餓空林不可招
能舉丘山惟筆力
可磨雲日是風標詩篇綴緝應千首
學術窺尋豈一朝
耳冷高談經歲遠江南春動雪還消

秋日感事示介甫

秋日氣已盛陰蟲朝暮聲煙雲斷溪樹風雨入山城
沙磧有遺虜旌旗多遠行生民苦未息吾黨恥論兵

簡翁都官

倦遊公府曳長裾笑上扁舟指舊廬
自有文章真杞梓

不煩彫琢是珊瑚
海蛆滿瓮嘗春酒
垂露臨窓理素書
况得君賓同壯節
一鄉清問更誰如

陳祁秀才園亭

眼無塵土境殊清
一繞芳蹊病体輕
煙樹疑從古畫見
水軒真在碧天行
君能極巧安山勢
我欲忘歸聽竹聲
只恐主人難住此
弟兄佳行滿鄉評

上杜相公

水為舟楫早為霖
社稷生民注意深
豈謂便辭黃閣議
翻然求就紫芝吟
始終好古儒林士
進退憂時國老心
只有功名隨日遠
未令功被管絃音

胡大傳挽詞二首

讜言留簡冊恭德載闔門福履三朝盛官儀一品尊九
原無復起萬事付誰論不必諸儒記清名久自存
遠略參基命雄文入典章輶車俄就路瑞節始還鄉象
物陳虛寢哀歌寄真觴惟應九原上松檜日蒼蒼

訓材叔江西道中作

枉渚荒源有里間草根輕澆舊痕乾入陂野水冬來淺
對樹諸峯雪後寒鳩笛最宜風外聽嶺梅初得醉中看
行尋故交心無事不覓西遊道路難

送雙漸之漢陽

楚國封疆最上流夾江分命兩諸侯何年南狩東播
出六月西來雪浪浮夏口樓臺供夕望秦川風物待春遊

可能頻度漁陽曲不負當年鸚鵡洲

孔明

稱吳稱魏已紛紛渭水西邊獨漢臣平日將軍不三顧
尋常田里帶經人

閑行

草軟沙勻野路晴竹枝烏帽稱閑行烏啼綠樹穿花影
風出青山送水聲轉竟所憂非已事儘從多難見人情
閑中我樂人應笑忙處人爭我不爭

贈安禪懃上人

詎知蕭洒吾廬舊却有高明此寺隣水竹近生剛節老
秋山過抱翠嵐新惟憐季子歸來困自笑原思久更貧

深識幽人風義厚掃軒開榻最相親

贈護仁監院

人貧奉世今為甚僧事新年始更多食糲衣穿雖擾擾
構虛基險自我我誅茅改築君初有繫馬長吟我暫過
但覓滿山金碧澗不知誰到為煙蘿

送齊祖明上人

冠石新墻日月回豐堂環殿起崔嵬鍾隨秋勢金聲壯
佛隱寒雲玉坐開流水遠奔雙澗去平林高擁四山來
麒麟細草東南路一望松門意自哀

謁李白墓

世間遺草三千首林下荒墳二百年信矣輝光爭日月
依然精爽動山川曾無近屬持門戶空有鄉人拂几筵
顧我自慚才力薄欲將何物吊前賢

送撫州錢郎中

名郎元是足風流得郡東南地更幽翠幕管絃三市晚
畫堂煙雨五峯秋黃柑巧綴星垂檻香稻勻翻雪滿甌
應與謝公資健筆邦人才薄詎能酬

送玉汝使兩浙

使傳東馳下九天此邦曾屈試鳴絃仁聲又向新年入
惠澤猶為故老傳翠巘煙雲生席上滄溟風雨到樽前
經營智略多餘暇賞燕誰酬白雪篇

丁元珍挽詞二首

翰墨金聲遠神清玉氣溫節廉貧愈見風義老彌惇舊
學資詳正新儀屬討論誰憐一麾出終不反脩門
從軍王粲筆記禮后蒼篇謾有殘書在能令好事傳鵬
來悲四月鶴去遂千年試想長橋路昏昏隴隧煙

簡景山侍御

長年心事最相親一笑相踈忽數旬相府地嚴方許國
芸臺官冷但容身飢腸漫竊公厨膳病髮難堪客舍塵
還有鹿門棲宿興想君他日肯爲隣

送李莘太博

鄭道鳴絃去容臺抱苑初塵沙開祖帳冰雪缺征車久
待連城價誰騰一鶚書君王覽豪俊應復召嚴徐

遊天章寺

籃輦朝出踏輕塵拂面穆穆柳色新曲水豈能留往事
南湖空解照行人最宜靈運登山屐不負淵明漉酒巾
老去飄零心未折暫須同醉海邊春

送閔彥遠

莫辭爲我百分飲從此送君千里行物情箬屨尚須念
人道交親那可輕渚梅江柳弄佳色林鳥野蜂吟好聲
對之但醉餘可置明日此盃誰共傾

送閔遠赴江西

食蘗飲冰廉士操敝衣穿履古人風溪堂興足登臨後
滕閣今歸嘯傲中一榻高懸賓閣峻二龍俱化縣池空

因過勝境須行樂驛召方當急詔東

西園席上

省閣名郎國羽儀瀛洲仙客衆著龜山蹊向日花開早
海聚經寒酒熟遲下榻笑談紅旆偃引觴醒醉玉釵隨
唯慙別乘踈頑甚滿面塵埃更有詩

送孫穎賢在秦州

襍襍秦州鐵馬群青衫吾子仕猶屯高談消長才驚世
貌視公侯行出人古氣歎遵奔日月畏塗曾觸滯荆榛
明夷夬夬應斟酌自向窮通有屈伸

送鄭州邵資政

江夏無雙譽菑川第一才笑談成黼藻咳唾落瓊瑰紫

氣鋒鉞露青冥羽翼開傳遊道模府高步集蓬萊探討
篇章洽研磨術業該九霄新漢邸萬日注梁臺選擇真
儒用招延急詔催衣冠驚角綺賓友重鄒枚每右橫經
席寧虛置醴杯八荒披日月萬里散雲雷始去東山榜
俄參北斗魁廟堂奇計得羗虜驚心摧帝念人求舊朝
須汝作梅避榮言屢切請外志難回際海歸封略連吳
入剗裁夕冰承命出晝錦過鄉來許國風猷壯容民宇
量恢節旄恩換鎮京室地稱陪賜覲親中宸通班接上
台壺漿空度消公位在三槐

看花

春來日日探花開紫陌看花始此回欲賦妍華無健筆

擬酬芳景怕深盃但知抖擻紅塵去莫問鬢鬢白髮催
更老風情轉應少且邀佳客試徘徊

會稽絕句三首

花開日日去晉花遲日猶嫌影易斜莫問會稽山外事
但將歌管醉流霞

花開日日插花歸酒盞歌喉處處隨不是心閑無此樂
莫教門外俗人知

年年穀雨愁春晚况是江湖兩鬢華欲載一罇乘興去
不知何處有殘花

送任達度支監嵩山崇福宮

漢陽門下士車騎幕中賓志節初皆壯風流久更新振

庭承遠派印位襲清塵雅淡琴聲古溫純玉性真詩書
來射策慈惠起臨人淮海寒惟火裛斜叱馭頻政平無
積吏刑省絕寃民汴路揚旌出吳門擁節巡持權心似
水待物氣如春懋德垂承詔遺榮遽乞身行高寧繫俗
道勝不憂貧地絕分琳館西歸近紫宸鴻飛開羽翼驥
逸露精神却理煙霞宅重尋水石隣青嵩銷鶴怨碧落
見鷗馴故友欣聯壁諸儒慕墊巾李兼鴻寶異興與赤
松親激勸留方冊驚傳動縉紳浮雲雖抗意及席正逢
辰祗恐尊廉退丁寧致軟輪

送趙資政

好問逢真主能言邁古風犯顏天意沃造膝衆情通彈

治心忘勢澄清誼匪躬朝廷推指佞都邑避乘駃白簡
威方厲青規遇更隆析符霄漢上開幕斗牛中里聚追
胥息階庭訟鉅空紀綱官特峻帷幄地彌崇吏治連成
肅倉儲絕塞充錦官清鎮俗玉壘靜臨戎膏澤溥荒阻
春陽煦滯窮鈞衡求雋望龜筮協淵衷間出下齡合平
居一德同股肱康事力舟楫濟川功遠大經綸畧精微
獻替忠夕冰分外闔書錦過江東比口仁聲入提封喜
氣融信深銷衆偽明盛破群蒙正洽謳歌美俄更節制
雄保民追呂尚分土繼逢公涵水移幢碧牛山駐旆紅
魚鹽方舸集綺綉萬箱叢少憇驅千騎行歸冠百工袞
衣天下詠豈獨是倥侗

過高士坊

一畝蕭然絕世喧抗懷邛肯就籠樊功名晚更為餘事
蓄異初嘗出至言郡閣已空徐孺榻里人猶識鄭公門
斯文未喪如繇我後代當知李仲元

餘杭久旱趙悅道入境之夕四郊雨足二首

連章天上乞身閑笑入吳船擁鄣還一夜風雷驅旱魃
始知霖雨出人間

旌旗東下路塵開六月風雲席上回正恐一方人喝死
直將霖雨過江來

錢塘上元夜祥符寺陪咨臣郎中文燕席

月明如畫露華濃錦帳名郎笑語同金地夜寒消美酒

玉人春困倚東風紅雲燈火浮滄海碧水樓臺浸遠空
白髮蹉跎歡意少強顏猶入少年叢

送沈諫議

東南經濟得時英方底除書下漢庭將幕旗驚白書諫
垣冠劔動青冥指搗甌越歸談笑鎮壓江吳出醉醒金
鼎盍梅須大用九霄應已夢儀形

謝王微之汴中見贈

黃流渾渾來少際佳氣恣恣近日邊河漢槎雖通遠客
蓬萊風未緩歸船山城劇飲銷紅燭水驛高吟襲彩牋
老去相逢情自密不閑清賞合留連

寄鄆州邵資政

蒙問微之山之景見素詩
重意之厚謹吟二首守上寄

鈔筆雙書客朱轡守土臣素餐方側席黃髮已侵巾喜
有山園郭仍憐水滿津清華閑耳目蕭洒長精神秀色
秋來重寒聲雨後新宿雲依戶牖流月過於筠北圃分
殊境西湖斷俗塵渚花紅四出沙鳥翠相新芙蓉含珠
實魚驚躍錦鱗飛梁凌宵眇虛榭壓滄淪嶺對橫脩竹
洲分抱白蘋靜宜人事拙閑覺道腰真詭小難周物官
微幸庇身簿書偷暇日杖屨想幽人泝險飛遊艇探竒
藻釣縞形庶甘鶴怨心泰得鷗馴督府息容久芳牋訊
問頻門庭嚴衛戟尊俎從華紉却起烟霧興還思水石
鄰自嗤田父樂邠可薦鴻鈞

和邵資政

拂衣久欲求三徑竊食聊湏把一麾世路賤貧從所好
老年曾臆固無竒樊籠偶得滄洲趣蕪累難疇白雪辭
督府繇未恩禮厚每容商也與言詩

和孔教授

滋煩方喜衆材同坐嘯南陽郡閣中几案有塵書檄簡
里閭無事稻糧豐衣冠濟濟歸儒學俎豆詵詵得古風
幸屈異能來助我敢將顏色在飛鴻

喜雪二首

欲休還舞任風吹斷續繁雲作陣隨已塞茅蹊人起晚
更迷沙渚鳥飛遲混同天地歸無跡潤色山川入有為
太子不辭留客醉豐年佳兆可前知

雜雨零初急因風洒更狂英華傾月窟光氣馮天潢宛
轉花飛密紆餘舞態長化材隨大小成器任園方秀已
滋山國清尤助水鄉色嚴齊上下明感析毫芒閨屋情
誇誕埋輪興激昂收功歸澤物全德在包荒預喜倉箱
富潛知海嶽康薰晨迎賀客歌吹趣傳觴

雪後同徐祕丞皇甫節推孔教授北園晚步
沙草正黃瀕海意江梅還白故園情循除遠水春前急
繞郭空山雪後明林影易斜寒日短角聲吹去暮雲平
最慙佳客忘形契肯伴衰翁著屐行

郡齋即事二首

盡戟森門寵誤蒙從來田舍一衰翁困倉穰穰逢康歲

閣里恂恂有古風
矚氏宿奸投海外
伏生新學始山東
時大奸周高投海島
而學校講說尚書
依然自昔興王地
長在南陽佳氣中

滿軒山色長浮黛
繞舍泉聲不受塵
四境帶牛無事日
兩衙封印自繇身
白羊酒熟初看雪
黃杏花開欲探春
總是濟南為郡樂
更將詩興屬何人

憶赴中梅

浣沙亭北小山梅
蘭渚移來手自栽
今日舊林冰雪地
冷香幽艷向誰開

再賦喜雪

六花飛舞勢踰躑
點綴寒林態更妍
山險龍蛇盤鳥道

野平江海變畝田
人狂奔月非閑
夜馬健乘雲別有天
况值白羊新酒熟
可能相就慶豐年

寄致士歐陽少師

四海文章伯三朝社稷臣
功名垂竹帛風義動簪紳
此道推先覺諸儒出後塵
忘機心皎皎樂善意淳淳
大畧才超古昌言勇絕人
抗懷輕絃冕瀝懇謝陶鈞
耕稼歸莘野政漁泛渭濱
五年清興屬一日壯圖伸
北關恩知舊東宮命數新
鸞凰開羽翼驥駉放精神
曠達林中趣高閑物外身
揮金延故老置驛候嘉賓
主當西湖月勾留潁水春
露寒消鶴怨沙靜見鷗馴
酒熟誇浮蟻書成感獲麟
激昂疎受晚冲淡赤松親
龍臥傾時望鴻冥聳

士倫少休均逸豫獨往異沉淪策畫咨詢急儀刑矚想
頻應湏協龜筮更起為生民

元豐類藁卷第六

元豐類藁卷第七

律詩

冬夜即事

印奩封罷閤鈴閑喜有秋毫免素餐市粟易充倉廩實
邑隴無警里閭安香消一榻氈能暖月澹千門霧淞寒
聞說豐年從此始更回籠燭卷簾看

齊寒甚夜氣如霧
於木上旦起視
之如雪日出飄滿堵庭尤為可愛齊人謂之霜滋
諺曰霜滋重霜滋窮漢置飯甕以為豐年之也

謝介甫還自舅家書所感

早氣滿原野子行歸舊廬顙天高未動望歲了何如荒
土欲生火涸溪容過車民期得霖雨吾豈灌園蔬

西湖二首

左符千里走東方喜有西湖六月涼塞上馬蹄終反覆
泰山鷓飽正飛揚懶宜魚鳥心常靜老覺詩書味更長
行到平橋初見日滿川風露紫荷香

湖西平隨葦岸長碧天垂影入清光一川風露荷花曉
六月蓬瀛燕坐涼滄海桴浮成曠蕩明河槎上更微芒
何須辛苦求人外自有仙鄉在水鄉

早起赴行香

枕前聽盡小梅花起見中庭月未斜微破宿雲猶度鴈
欲深烟柳已藏鴉井轆聲急推寒玉籠燭光繁秉絳紗
行到市橋人語密馬頭依約對朝霞

席上

市井蕭條烟火微兩衙散雪後深時若無一曲傳金盞
爭奈衰翁兩鬢衰絲

和陳郎中

材薄安時甘寂寞身閑乘興喜登臨每尋香草牽狂思
曾向幽蘭費苦吟明月幾人非按劍高山從古少知音
數篇清絕賡歌意默見馮唐異俗心

雪後

雪景鮮妍猶弄色柳條恣藉已抽萌風光蕪蕪流雙轂
人事悠悠寄一枰射羿未應今獨有朝雄何必史能評
且將畫諾供談笑更選名園載酒行

舜泉

山麓舊耕迷故壟井幹餘汲見飛泉清涵廣陌能成雨
冷浸平湖別有天南狩一時成往事重華千古似當年
更應此水無休歇餘澤人間世世傳

閱武堂

五朝坏冶歸皇極萬里車書共太平胡馬不闕光祿塞
漢家常隸羽林兵柳間自詫投壺樂桑下方安佩犢行
高枕四封無一事腐儒何幸偶專城

環波亭

水心還有拂雲堆日日應須把酒杯楊柳巧含烟景合
芙蓉爭帶露華開城頭山色相圍出簷底波聲四面來
誰信瀛州未歸去兩州俱得小蓬萊

鵲山亭

太亭孤起壓城顛屋角峨峨插紫烟深木飛綃來野岸
鵲山浮黛入晴天少陵騷雅今誰和東海風流世謾傳
太守自痊還自笑歸時乘月尚留連

芍藥廳

小碧闌干四月天露紅烟紫不勝妍肯為雲住陽臺女
恐逐風飛飾室仙浦外送歸情放蕩省中番直勢拘挛
何如薰洒山城守淺酌清吟濟水邊

水香亭

臨池飛構鬱岩堯檻檻無風影自搖群玉過林抽翠竹
雙虹垂岸跨平橋煩依美藻魚爭餌清見寒沙水滿橈

莫問荷花開幾曲，但知行處異香飄。

靜化堂

脩簷轆轤背成陰，行盡松皇一徑深。
好鳥自飛還自下，白雲無事亦無心。
客來但飲平陽酒，衙退常攜靖節琴。
世路人情方擾擾，一遊須抵萬黃金。

仁風廳

凜凜風生竒此堂，塵埃消盡與何長。
朱絲鼓舞逢千載，白羽吹揚慰一方。
已散浮雲滄海上，更飛霖雨泰山傍。
誰知萬物心焦日，獨對松筠四座涼。

閱武堂下新渠

方渠新鑿北林開，流水遙經畫閣來。
洗耳厭聞誇勢利，濯纓羞去旁塵埃。
不憂待月供詩筆，已欲看華泛酒杯。
却憶虎谿橋上過，夜涼臨砌尚徘徊。

疑香齋

每覺西齋景最幽，不知官是古諸侯。
一尊風月身無事，千里耕桑歲有秋。
雲水醒心鳴好鳥，玉沙清耳漱寒流。
沉烟細細臨黃卷，疑在香爐最上頭。

北渚亭

四楹虛徹地無鄰，斷送孤高與使君。
午夜坐臨滄海日，半天唵看泰山雲。
青徐氣接川原秀，常碣風連草木薰。
莫笑一樽留戀久，下階塵土便紛紛。

芙蓉橋

鴈翅橫連杜若州碧欄干影在中流蓬萊日日遊人到
誰道倦風解引州

百花臺

煙波與客同尊酒風月全家上采州莫問臺前花遠近
試看何似武陵遊

次道子中書問歸期

竊食東州歲未暮蓬萊人問幾時歸凭闌到處臨清泚
開閣終朝對翠微雨印每閑軍市靜雙旌多偃送迎稀
一枝數粒身安穩不羨雲鵬九萬飛

霧凇

園林初日靜無風霧絡凇花開處處同記得雋英深殿裏

舞人齊插玉籠鬆

正月六日雲齊

雪消山水見精神滿眼東風送早春明日杏園應爛熳
便須期約看花人

寄顧子敦

清曠亭邊雁欲回南湖分浪入城來空山過臘猶藏雪
野岸先春已放梅三徑未歸聊自適一尊尋勝每同開
如今試想長松下玉塵高談豈易倍

二月八日北城閑步

土膏初動麥苗青飽食城頭信意行便起高亭臨北渚
欲乘長日勸春耕

詠柳

亂條猶未變初黃
倚得東風勢便狂
解把飛花蒙日月
不知天地有清霜

北園會客不飲

畫橋南北水西東
高下花枝綠間紅
帶得春風人盡醉
猶醒誰似白頭翁

西湖納涼

問吾何處避炎蒸
十頃西湖照眼明
魚戲一篙新浪滿
鳥啼千步綠陰成
虹腰隱隱松橋出
鷁首戔戔畫舫行
最喜晚涼風月好
紫荷香裏聽泉聲

喜雨

偶徇一官偷祿計
便懷千里長人憂
桑間舉箔蠶初繭
隴上揮鎌麥已秋
更喜風雷生北極
頓啟雲雨出靈湫
從今菽粟非虛禱
會見甌窶果滿篝

雨後環波亭次韻四首

次李秀才得魚字韻

候月已知星好雨
卜年方喜夢維魚
從今撥置庭中事
取意西軒睡枕書

次綰得風字韻

荷葉東西魚映葉
樵舟朝暮客乘風
清泉雨後分毛髮
何必南湖是鏡中

次維得禽字韻

黃蜀葵開收宿雨紫桑堪熟轉新禽看花弄水非無事
猶勝紛紛別用心

次維得花字韻

丹杏一番收美實綠荷無數放新花西湖雨後清心目
坐到城頭泊暝鴉

去年久旱六月十三日入境得雨今年復旱得
雨亦六月十三日也

去年六月焦原雨入得東州第一朝今日看雲舊時節
又來農畔聽蕭蕭

到郡一年

薄材何幸繼朱軒竊食東風已一年隴上雨餘看麥秀

桑間日永間蠶眠官名雖冗身無累心事長閑地自偏
穉恐再暮官滿去每來湖岸合留連

孔教授張法曹以曾論薦特示長牋

綠髮朱顏兩少年出倫清譽每相先壁中字為時人考
北上書從老父傳泮水笑談邀法飲高臺閑燕屬佳篇
衰翁厚幸懷雙壁更起狂心慕薦賢

酬強幾聖

俯仰林泉繞舍清經年閑卧濟南城山田雨足心無事
水榭華開眼更明新霽烟雲飛觀出晚涼歌吹盡橋橫
寄聲裴令樽前客祗欠高談一座傾

人情

人情當面蔽山丘誰可論心向白頭天祿閣飛真學士
玉麟符是假諸侯詩書落落成孤論耕釣依依憶舊遊
早晚抽簪江海去笑將風月上扁舟

寄王樂道

荊州南走困塵埃應喜文章意自開明世正逢多事日
要塗湏用出倫材不回霜雪天應惜未得風雲衆忍摧
若向沙頭吊杜甫近詩懸望自書來

戲書

集賢自笑文章少為郡誰言樂事多報答書題親筆硯
逢迎使客聽笙歌一心了了無人語兩鬢蕭蕭奈老何
還有不隨流俗處秋毫無累損天和

贈張濟

憶初蘭渚訪沉淪一畝蕭然里舍貧節行久窮猶好古
文章垂老更驚人詩書就我論新意冠劍投誰拂舊塵
小驛荒涼煩枉道一觴相屬莫嫌頻

北渚亭雨中

振衣已出塵土外卷箔更當風雨間泉聲漸落石澗澗
雲氣迫壓金輿山寒沙漠漠鳥飛去野路悠悠人自還
耕桑千里正無事況有樽酒聊開顏

送趙資政

鎮撫西南衆望傾玉書天上輟持衡春風不覺岷山遠
和氣還從錦水生學舍却尋餘教在棠郊應喜舊陰成

歸來促召調鑪冶莫為兒童竹馬迎

釣突泉

一派遙從玉水分暗來都洒歷山塵
滋榮冬茹溫常早潤澤春茶味更真
已覺路傍行似鑑最憐沙際涌如輪
曾城齊魯封疆會况託娥英詫世人

金線泉

玉甃常浮灑氣鮮金絲不定路南泉
雲依美藻爭成縷月照靈漪巧上弦
已繞渚花紅灼灼更縈沙竹翠娟娟
無風到底塵埃盡界破冰消一片天

北池小會

笑語從容酒慢巡笙歌隨賞北池春
波間鏤檻花迷眼

沙際朱橋柳拂人金縷暗移泉溜急
銀簧相合鳥聲新幸時無事須行樂
物外乾坤一點塵

送韓廷評

謝庭冠蓋舊追尋僻郡相從喜更深
進道由來輕拱壁傳經知不羨籛金
騶要試風沙遠竹栢須忘霰雪侵
別後壯懷應努力白頭傾耳聽微音

寄孫莘老湖州墨妙亭

隆名盛位知難久壯字豐碑亦易忘
棗木已非真篆刻色絲空喜好文章
峴山漢水成虛擲大厦深簷且秋蔭
好事今推雲溪守故開新館集琳琅

鵲山

一峯孤起勢崔嵬秀色接籃入酒盃靈藥已從清露得
平湖長泛宿雲回翰林明月舟中過司馬虛亭竹外開
我亦退公思蠟屐會看歸路送人來

華不注山

水經華不注山虎牙桀立孤峯特起青峯千
青峯嶺望點黛輿地志又云亦名金輿山

虎牙千仞立絕儼峻拔遥臨濟水南翠嶺嫩嵐晴可撥
金輿陳迹久誰探高標特起青雲近壯士三周戰氣酣
丑父遺忠無處問空餘一掬野泉甘

靈巖寺兼簡重元長老二劉居士

法定禪房臨峭谷辟支靈塔冠層巒軒窓勢聳雲林合
鍾磬聲高鳥道盤白鶴已飛泉自湧青龍無迹洞常寒
更聞雷遠相從樂查道囂塵豈可干

和孔仲平

園池方喜共追尋正是槐榆夾路陰雙燭縱談樽酒綠
一椀銷日紙窓深波濤萬字驚人筆塵土千鍾異俗心
佳句從來知寡和愧將沙礫報一作黃金

群樓

滿眼青山更上樓偶携閑客此閑遊飛花不盡隨風起
野水無邊帶雨流懷舊有情惟杜燕忘機相得更沙鷗
黃金駟馬皆塵土莫訴當歡酒百甌

鮑山

雲中一點鮑山青東望能令兩眼明若道人心是牙戟
山中那得叔牙城

鄆州新堂

百尺豐堂汶水濱，魯侯清燕此逡巡。
谿寒素礫偏宜月，壁瑩黃金不受塵。
引客笙歌行處是，賞心花木四時新。
未應久作林泉主，天子今思舊學臣。

垓下

三傑同歸漢道興，拔山餘力爾徒矜。
泫然垓下真男女，不悟當從一范增。

離齊州後五首

雲帆十幅順風行，卧聽隨船白浪聲。
好在西湖波上月，酒醒還對紙窓明。

蓋船終日扒沙行，已去齊州一月程。
千里相隨是明月，

水西亭上一般明

文犀剌刺穿林筍，翠上田田出水荷。
正是西亭銷暑日，却將離恨寄煙波。

將家須向習池游，難放西湖十頃秋。
從此七橋風與月，夢魂長到木蘭舟。

荷氣夜涼生枕席，水聲秋醉入簾幃。
一帆千里空回首，寂寞船窓祇自知。

寄齊州同官

西湖一曲舞霓裳，勸客花前白玉觴。
誰對七橋今夜月，有情千里不相忘。

庭檜呈蔣穎叔

元豐類藁卷第七
十一
樛枝高下秀森森曾寄名卿一作節異俗心草舍一時成
往事松身千尺見新陰聲清不受笙竽雜氣勁能遺霰
雪侵漢節從來縱真賞謝庭蘭玉載芳音

甘露寺多景樓

欲收嘉景此樓中徙倚欄干四望通雲亂水光浮紫翠
天含山氣入青紅一川鍾唄淮南月萬里帆檣海外風
老去衣衿塵土在祇將心目羨冥鴻

孫少述示近詩兼仰高致

大句閱篇久擅場一函初得勝琳琅少陵雅健材孤出
彭澤清閑興寂長世外麒麟誰可係雲中鴻鴈本高翔
白頭多病襄陽守展卷臨風欲自強

金山寺

塵外岩堯鷲嶺宮架虛排險出青紅林光巧轉滄波上
海色遙涵白日東夜靜神龍聽呪食秋深蒼鶻起搏風
連荆控蜀長江水盡在回廊顧影中

元豐類藁卷第八

律詩

高郵逢人約襄道之陽

一川風月高郵夜
玉塵清談畫鷁舟
未把迂踈笑山簡
更須同上習池遊

彭城道中

百步洪聲潦退初
白沙新岸湊舟車
一時屠釣英雄盡
千載河山戰伐餘
楚漢舊歌流俚耳
韓彭遺壁寇荒墟
可憐馬上縱橫畧
只在邳橋一卷書

送程殿丞還朝

如雲青髮擁朝簪
佳譽喧喧動士林
自重肯悲三獻玉

不欺常慎四知金芝蘭秀出清門
威鴻鷺翻飛紫殿深
別後齋中掛塵榻更將梁甫向誰吟

送高秘丞

簿書攤處精神健風俗澆時質性淳
公退種花常滿縣
政成春雉不驚人指麾細柳通河外
歌詠甘棠付漢濱
惆悵不能留自助謾將樽酒駐車輪

康定軍使高秘丞自襄陽司農寺勾業寺丞自
光化相繼遷拜簽判程殿丞受代還朝預有惜
別之意輒書長句奉呈

千里分符漢上城為僚方喜得時英
已無楚澤行吟意
便有南陽坐嘯名驥力用未精爽緊鷓行歸去羽翰輕
須知別後狂山簡夢寐清談鄙吝生

雨中王駕部席上

鳩鳴連日始成陰薄雨聊寬望歲心
浴雁野塘新浪細
藏鷓宮柳嫩條深春寒巧放花遲發
人老嗟辭酒滿斟
英雋並遊知取幸名園偷暇更追尋

贈張伯常之郢見過曰話荆楚故事仍
既佳什
一見心親十載前相望南北久茫然
喜傾白髮論文酒
重訪清江下瀨船志大肯同悲抱璞
識高寧許笑求田
已闕品藻傳荆楚更味陽春白雪篇

伯常少留別業寄詩索酒因以奉報

未擁雙鶻謁漢庭暫留車馬憇林垆
多情置驛邀佳客

好事磨鉢勤舊經芳草連門三徑遠朝雲臨幌數峯青
春醪有禁無絲寄誰為江潭訪獨醒

贈黃降自宜城赴官許昌

所學從誰得寂完豫章新出已難攀不搖聲利心能定
欲正哇淫手自刪潁水珠璣未席上鄆城桃李任人間
高齋掛榻驪謁後坐守塵編少往還

招澤甫竹亭閑話

偶歸塞馬應何定粒食鷓鴣頗自安雲壓楚山春後雪
風吹襄水坐來寒詩豪已分材難強酒聖還諳量未寬
賴有佳賓堪下榻且將清話對檀栾

和鄭微之

故人容下榻清燕得傳杯地秀偏宜竹天寒未見梅雲
林千嶂出煙艇一帆開且醉休言別歸期信召催

送陳世脩

沙渚鳴飛入楚雲遠林樵爨宿烟昏娟娟野菊經秋淡
漠漠滄江帶雨渾歸路賞心應駐節客亭離思暫開樽
莫嗟問俗淹翔久從此頻繁不次息

和張伯常自鄧中將及敵境先寄長句

拔薤威名高外服握蘭風力冠中臺好音忽有雙魚至
喜氣遙知五馬來梨顆玉腴含雨重菊房金粉傍寒開
池邊且欲留同醉思拙難酬白雪才

和張伯常峴山亭晚起元韻

揮手紅塵意浩然
夙興招客與扳聯
烟雲秀發春前地
草木清含雪後天
已卜耕桑臨富水
暫拋魚鳥去伊川
更追羊杜經行樂
况有風騷是謫仙

峴山亭置酒

石磴縈回入杳冥
筠松高下簇虛亭
春歸野路梅初白
雪盡沙田麥正青
馬窟飛雲臨盡棟
鳳林斜日照踈櫺
長年酒量殊山簡
却上籃輿恨獨醒

韓魏公挽歌詞二首

堂堂風骨氣如春
衣服貂冠社稷臣
天上立談迎白日
握中隨物轉洪鈞
忽騎箕尾精靈遠
長誓山河寵數新
萬里耕桑無一事
三朝功德在生民

錙銖未易無驕志
咳唾黃金有古風
覆冒荒遐知大度
委蛇艱急見孤忠
謀謨却魏丹青力
擁立昭宣柱石功
御筆新詩在新隴
哀榮誰得似初終

訓吳仲庶龍首歲春感懷

瑣闥延閣腹心臣
籍甚聲華動縉紳
藥石言行天下雨
袴襦恩達國中春
召南去後餘思在
綸氏歸來壯志新
莫為流年嗟白髮
濟時須仗老成人

陳君式恭軒

不要墻頭俗眼看
故開蒼蘚種檀栾
虛心得處從天性
勁節知來在歲寒
葉養風烟誇酒美
枝留冰雪送歌殘
名郎感慕同桑梓
手植依然一畝寬

僧正倚大師庵居

蘭城方袍振錫回結茅蕭寺遠塵埃五峯日破朝雲出
三谷花浮澗水來風散異香禪榻靜鳥闥清唄法筵開
因過舊國粉榆地松塵高談喜暫陪

以白山茶寄吳仲庶見賦佳篇依韻和詠

山茶純白是天真筠籠封題摘尚新秀色未饒三谷雪
清香先得五峯春瓊花散漫情終蕩玉蕊蕭條跡更塵
遠寄一枝隨驛使欲分芳種更無因

一枝近年瓊花可接遂散漫而此花為獨出也

後惟此花與揚州后土廟瓊花天下

詠江西運使蔣穎叔

收科同日曳華裾羞劃驚聞刃有餘驄馬已騰雙闕路
木牛還實太倉儲多岐易感千名別置袖空榮一紙書

欲佩左符既越去更從南斗望單車

刁景純挽歌詞二章

史觀即開得謝歸桓桓筋力未全衰園林笑傲笙歌擁

山水追尋九杖隨尺牘百封虛有意文章十秩更傳誰

餘花自出歲春塢一點青燈照總惟陳遵善書與人尺牘莫不歲以為榮

又云遵日作書數百封親疎各有意義自樂天無子其詩云文章十秩官三品身後傳誰手應誰景純善作書

亦無子故云歲春塢也八十登高步更輕殷勤愛客是平

生能臨緩急敦風誼不向炎涼逐世情北岳雲烟思抗

志東門冠蓋羨遺榮可憐昨日壺觴地嗚咽唯聞薤露

聲

寄留交代元子發

青雲寶構雖同直白髮魚符各未歸倚玉詎應公論許
續貂還恐邑人非莫辭海畔留連久須惜天涯故舊稀
預想明年雙節召九霄鴨翼看橫飛

遊東山示客

虞寄庵餘蘚徑通滿山臺殿出青紅難逢推案文書少
偶見凭欄笑語同梅粉巧含溪上雪柳黃微破日邊風
從今准擬頻行樂且伴樽前白髮翁

大乘寺

行春門外是東山藍鞵寧辭數往還溪上鹿隨人去遠
洞中花照水長閑樓臺勢出塵埃外鍾磬聲來縹緲間
自笑龕官偷暇日暫携妻子一開顏

聖泉寺

笑問并兒一舉鞭亦逢佳景暫留連清冥日抱山腰閣
碧野雲含石眼泉躡屐路通林北寺落帆門繫海東船
閩王舊事今何在惟有前村供佛田

昇山靈巖寺

脩竹長松十里陰任敦燒藥洞門深獨閱金版驚人語
能到青霞出世心鷄犬亦隨雲外去蓬瀛何必海中尋
丹樓碧閣唐朝寺鍾唄香花滿舊林

鳳池寺

經年聞說鳳池山蠟屐方偷半日閑笑語客隨朱閣上
醉醒身在白雲間溪橋野水清猶急海岸輕寒去却還

為郡天涯亦瀟洒莫嗟流落鬢毛斑

上元

金鞍馳聘屬其曹夜半喧闐意氣豪明月滿街流水遠
華燈入望衆星高風吹玉漏穿花急人近朱闌送目勞
自笑佞心逐年少祇尋前事撚霜毛

元沙院

元字壁
聖祖諱

昇山南下一峯高上畫層軒未厭勞際海煙雲常慘淡
大寒松竹更蕭騷經臺日永銷香篆談席風生落塵毛
我亦有心從自得瑠璃瓶水照炷毫

鼎柳園博

行止恂恂衆所褒東南佳譽映時髦洞無畦畛心常坦

凜若冰霜節最高朱絃少留居客在白頭難敵是詩豪
須知別後山城寺悵望歸艤送目勞

閏正月十一日呂殿丞寄新茶

新最早者生
處地向陽也

徧得朝陽借力催千金一跨過溪來曾坑貢後春猶早
海上先嘗第一杯

旬休日過仁王寺

雜花飛盡綠陰成處處黃鸝百轉聲隨分笙歌與樽酒
且偷閑日試閑行

亂山

亂山深處轉山多此地樓身柰遠何莫問吾親在何處
舉頭東岸是新羅

福州際海東海即新羅諸國
番經亦云長溪與外國接界

親舊書報京師盛聞治聲

自知孤宦無材術誰道京師有政聲
嘿坐海邊何計是白頭親在鳳凰城

寄獻新茶

種處地靈偏得日摘時春早未聞雷
京師萬里爭先到應得慈親手自開

方推官寄新茶

採摘東溪最上春壑源諸葉品尤新
龍團貢罷爭先得肯寄天涯主諾人

嘗新茶

丁晉公比苑新茶詩云
茶芽採時如薺麥之大者

麥粒收來品絕倫葵花製出樣爭新
一杯永日醒雙眼

草木英華信有神

享卿子中使高麗

並使時推出衆材異方迎拜六城開
宣風直到東西部仗節遙臨大小梅
滄海路從三島去玉山人待二星回
黃金白氎饒君用銅噐應餘寄我來

出郊

葛葉催耕二月時斜橋曲岸馬行遲
家家賣酒清明近紅白花開一两枝

寒磻翁寄新茶二首

龍焙嘗茶第一人最憐溪岸兩旗新
肯分方跨醒衰思應恐慵眠過一春

頁時天上雙龍去闕處人間一水爭分得餘甘慰憔悴
碾嘗終夜骨毛清

城南二首

雨過橫塘水滿堤亂山高下路東西一番桃李花開盡
惟有青青草色齊

水滿橫塘雨過時一番紅影雜花飛送春無限情惆悵
身在天涯未得歸

寒食

一麾飄泊在天涯寒食園林不見花唯有市亭酌酒客
俚歌聲到日西斜

夜出過利涉門

紅紗籠竹過斜橋復觀羣飛入斗杓人在畫船猶未曉
滿堤明月一溪潮

夜出城南禱雨

海天重疊四山雲半出星辰亦半昏上得藍輦是
中夜雨街燈照九重門

西樓

海浪如雲去却回北風吹起數聲雷朱樓四面鈎踈箔
卧看千山急雨來

荔枝四首

剖見隋珠醉眼開丹砂綠手落塵埃誰能有力如黃犢
摘盡繁星始下來

玉潤冰清不受塵，仙衣裁翦絳紗新。千門萬戶誰曾得，只有昭陽第一人。

絳縠囊收白露團，未曾封植向長安。昭陽殿裏才聞得，已道佳人不柰寒。

金釵雙捧玉纖纖，星宿光芒動宝奩。解笑詩人誇博物，

祇知紅顆味酸甜。白樂天語荔枝詩云津液甘酸如醴酪杜上部詩云紅顆酣祇自知此皆

已蜀荔枝而已不知閩越荔枝酸也

王虞部惠佳篇，叙述昔與相潭。二第遊從仍以

亡第舊詩見示

薄宦紅塵常拂面，早衰黃髮已盈顛。棣華零落曾誰語，鴻羽蕭條祇自憐。已矣空聞懷舊賦，泫然猶獲濟江篇。

慙慙愛我如君少，更悟之他友最賢。

北歸三首 召判太常

終日思歸今日歸，着鞭鞭馬尚嫌遲。曲臺殿裏官雖冷，須勝天涯海角時。

拜捧恩書喜滿顏，馬蹄遙望斗杓還。從今步步行平地，出得千山與萬山。

江海多年似轉蓬，白頭歸拜未央宮。堵墻學士驚相問，何處塵埃瘦老翁。

和曹孫少述

自信簞瓢樂寧羞，猿鶴驚論高。知峻節交淡，見純誠自昔。心無間相逢，眼更明何當薦有道。坐想軟輪迎。

和孫少述侯職方同燕席

兩翁頭白喜追陪好事鈴齋燕席開臘在未消盈尺雪
春歸先放一枝梅况無庭下書投鉞更盡筵中酒滿杯
周召二南皆絕唱抑揚賡和媿非材

寄趙宮保

銅扉得謝從今日王鉉辭榮已十年素節讜言留簡冊
高情清興入林泉海邊愛日疲人戀劔外仁風故老傳
門外寂應瀟洒客喜公平地作神僊

和訓趙宮保致政言懷二首

讜論危言望素隆獨於聲利性偏慵龍樓調護官雖寵
鳩杖躋攀興已濃不變松篁心轉勁無邊江海量兼容

潘溪從老寧閑得會為蒼生起更重

愛國憂民有古風米鹽親省尚嫌慵袞衣天上歸何晚
霖雨人間望正濃三少官儀雖赫赫五湖心事肯容容
角巾藜杖經行處知在雲山第幾重

和趙宮保別杭州

紉鼓留公豈是催公詩云湖過魚船疊鼓催湖山得意且徘徊更應
准擬須乘興范蠡扁舟去却來

過靈壁張氏園三首

黎棗蠹蠹正熟時粟田鷄兔亦爭肥園亭盡日追尋遍
只欠厭厭醉始歸

汴水容容帶雨流黃花艷艷亦迎秋看花引水園林主

應笑行人易白頭
秣地成耒多釀酒
杏林熟後亦留錢
不須置驛迎賓客
直到門前繫畫船

雪亳州

欲下蒼涼日全低
黯靈天飄飄投夜急
瑣碎得風儼穢
壤彌縫徧枯荻
點綴妍繁英飛面
旋艷舞起翩躚已壓
穿林竹還冰落澗
泉抵巇輕自肆乘
隙巧爭先壅隔書
郵浙侵凌客履穿
恐傾負巷屋覺重
泝溪船惜有顏空
姣洵無質可鑄包
藏兼海岳蒙蔽匝
坤乾枚叟招何晚
袁安卧正堅會須
逢見現萬里豁晴
川

送元厚之資政致仕歸蘇

笑指家園是五湖
畫船東下載圖書
收功玉鉉丹青後
得銅樓羽翼初
醒醉放懷從野服
登臨乘興屬安車
作

跡

與公既謝事即田野
服安與優游從適

都門飲餞光華盛
不獨當年有二

壽聖院昌山主靜軒

一峯蕭洒背成陰
碧瓦新堂地布金
花落禪衣松砌冷
日臨經秩紙窓深
幽棲鳥得林中樂
燕坐人存世外心
應似白蓮香火社
不妨籃輦客追尋

鶴林寺

李涉所謂因過竹院逢僧話
又得浮生半日閒即此寺也

昔人春盡強登山
只肯逢僧半日閒
何似一樽乘興去
醉中騎馬月中還

送關彥遠赴河北

子明高誼衆人知，苗裔清材世所推。詩作士林誇刻燭，賦成天路喜同時。豈當白首淹風力，自合青雲縱羽儀。北部經營應不久，玉階朝夕是歸期。

正月十一日迎駕呈諸同舍

錦袍周衛一番新，警蹕朝嚴下紫宸。俗眼望來猶眩日，天顏回處自生春。行齊鷓鴣常隨仗，步穩驂駟不起塵。歸路青雲喧鼓吹，樂遊從此屬都人。
是時上服慈聖光獻皇后三年喪畢

始聽樂及許燃燈

和御製上元觀燈

翠幃霓旌夾露臺，夜涼宮扇月中開。龍吟燭抱金門出，

鰲負山趨玉座來。碣石賦添夷客喜，

漢嚮四夷之客作漢中之感

栢梁篇較從臣材。共知天意同民樂，願奏君王萬壽盃。

和史館相公上元觀燈

九衢僊仗豫游歸，寶燭星繁換夕暉。傳醖未斜清禁月，散花還拂侍臣衣。天香暗度金虬暖，宮扇雙開彩鳳飛。法曲世人聽未足，却迎朱輦下端闈。

集英殿春燕呈諸同舍

御爐風細麝烟浮，法樂聲和酒味柔。冠劍九重霄漢路，鶯花三月帝王州。重廊四合盤龍幕，當殿雙高彩鳳樓。歸去人人誇雨露，揔含歡意躍驂騑。

上巳日瑞聖園錫燕呈諸同舍

元豐類藁卷第八
北上郊原一據鞍華林清集綴儒冠方塘滄滄春先綠
密竹娟娟午更寒流渚酒浮金鑿落照庭花並玉欄干
君恩倍覺丘山重長日從容笑語懽

池上即席送况之赴宣城

池上紅深綠淺時春風蕩漾水逶迤南州鼓舞歸慈惠
東觀壺觴惜別離遠岫煙雲供醉眼雙谿魚鳥付新詩
陵陽豈是遲留地趣駕追鋒自有期

寄題饒君茂才葆光庵

適意藜羹與布裘結廬人境地還幽清談汝水孤猿夜
爽氣麻源一葉秋應有風騷歸健筆可無樽酒付扁舟
因君更起家園興夢寐思從几杖遊

朝退即事呈大尹正仲龍圖

六街塵斷早涼生細葛含風體更清官府吏閑時樂易
市廛人喜政和平揮金款款官槐蔭鳴玉淙淙御水聲
觀闕漸迎初日上馬頭還傍綠陰行

Vertical columns of text, likely bleed-through from the reverse side of the page. The text is faint and difficult to read.



